

“ТАСДИҚЛАНГАН”
“O‘zagrolizing” АЖ Кузатув кенгашининг
2023 йил “04” апрелдаги мажлис қарори
билин

**“O‘ZAGROLIZING”АЖ
КУЗАТУВ КЕНГАШИ ҲУЗУРИДАГИ
КОРРУПЦИЯГА ҚАРШИ КУРАШИШ
ВА ЭТИКА ҚЎМИТАСИ ТЎҒРИСИДА
НИЗОМ**

ТОШКЕНТ -2023 йил

I. Умумий коидалар

1.1. Мазкур Низом (кейинги ўринларда – Низом) “Акциядорлик жамиятлари ва акциядорларнинг хуқуқларини ҳимоя қилиш тўғрисида”ги Ўзбекистон Республикасининг Қонунига, Ўзбекистон Республикаси Президентининг “Тадбиркорлик муҳитини яхшилаш ва хусусий секторни ривожлантириш орқали барқарор иқтисодий ўсиш учун шарт-шароитлар яратиш борасидаги навбатдаги ислоҳотлар тўғрисида”ги 2022 йил 8 апрелдаги ПФ-101-сон Фармонига, Вазирлар Маҳкамасининг “2021-2025 йилларда давлат иштирокидаги корхоналарни бошқариш ва ислоҳ қилиш стратегиясини тасдиқлаш тўғрисида”ги 2021 йил 29 марта даги 166-сон қарорининг 1-иловаси билан тасдиқланган “2021 - 2025 йилларда давлат иштирокидаги корхоналарни бошқариш ва ислоҳ қилиш стратегиясига, “O’zagrolizing” акциядорлик жамияти (кейинги ўринларда – Жамият) уставига, Корпоратив бошқарув кодексига, Кузатув кенгаши тўғрисидаги Низомга ва бошқа норматив-ҳуқуқий ҳужжатларга мувофиқ ишлаб чиқилган бўлиб, Жамият Кузатув кенгаши хузуридаги Коррупцияга қарши курашиш ва этика қўмитасининг (кейинги ўринларда – Қўмита) ҳуқуқий мақомини, таркибини, ваколатларини ва унинг ишлаш тартибини белгилайди.

1.2. Жамиятнинг энг муҳим масалаларни кўриб чиқиш ва Жамиятнинг Кузатув кенгашига тавсиялар тайёрлаш учун Жамият Кузатув кенгашининг қарори асосида Қўмита ташкил этилади. Қўмита Жамият Кузатув кенгашининг доимий фаолият юритувчи ишчи органи ҳисобланади.

1.3. Қўмита Жамият ва жамият акциядорлари манфаатларини кўзлаб иш олиб боради, хусусан, Комплаенс-назорат хизмати – коррупцияга қарши ички назорат тизими ва этика масалаларини тўғри ташкил этишда ҳамда ушбу соҳаларда ҳалқаро сифат назорати стандартларини жорий этишда Кузатув кенгаши ваколатлари доирасида амалий ёрдам кўрсатади.

1.4. Қўмита Жамият Кузатув кенгашига тўлиқ ҳисобдордир ва мазкур Низомга мувофиқ Жамият Кузатув кенгаши томонидан унга бериладиган ваколатлар доирасида иш олиб боради. Қўмита қарорлари Жамият Кузатув кенгаши учун тавсиявий характерга эга бўлади.

1.5. Қўмита ўз фаолиятида Ўзбекистон Республикаси Қонунчилигига, Жамият Уставига, Жамият Кузатув кенгаши тўғрисидаги Низомга, Жамият Кузатув кенгаши қарорларига, мазкур Низомга ва бошқа ички ҳужжатларга амал қиласи.

1.6. Қўмита фаолиятини молиялаштириш Жамият маблағлари ҳисобидан Кузатув кенгаши билан келишилган ҳолда амалга оширилади. Зарур ҳолларда, Қўмита ҳаражатлар сметасини тузади ва у Кузатув кенгаши томонидан тасдиқланади.

1.7. Мазкур Низомда белгиланмаган атамалар амалдаги Жамият Уставида ва Жамият Кузатув кенгаши тўғрисидаги Низомга, жамиятнинг бошқа ички меъёрий ҳужжатларида келтирилган маънода фойдаланилади.

II. Қўмитанинг мақсад ва вазифалари

2.1 Қўмита жамиятда самарали иқтисодий хавфсизлик тизими, яъни ички назорат, фибиргарликка, пора олишга қарши курашиш, амалдаги қонунчиликни бузиш билан боғлиқ суистеъмолликнинг олдини олиш ва қуидаги масалалар

бўйича жамият Кузатув кенгашига тавсиялар ишлаб чиқиш, таҳлил қилиш ва тақдим этишдан иборат:

- комплаенс-хатарлар, халқаро стандартлар ва коррупцияга қарши курашиш, манфаатлар тўқнашуви ва бошқа умумий масалалар;
- молиявий комплаенс соҳасидаги масалалар;
- ҳуқуқий комплаенс (due diligence) соҳасидаги масалалар;
- этика масалалари;
- Жамият Кузатув кенгашининг ваколатларига тааллуқли бошқа масалалар.

2.2 Кўмита ўз ваколатига мувофиқ фаолиятни амалга ошириб, Жамиятнинг Кузатув кенгashi, Ижроия органи ва тегишли таркибий бўлинмалари билан ҳамкорликда иш олиб боради.

III. Кўмита ваколатлари

3.1 Жамият Кузатув кенгashi аъзоларига юклатилган вазифаларни бажаришда кўмаклашиш мақсадида, Жамият Кузатув кенгashi ваколатлари доирасида Кўмитага қўйидаги ҳуқуқлар берилади:

- Жамиятдаги коррупцияга қарши қурашиш ва этика масаларини таҳлил қилиш ҳамда Жамият Кузатув кенгашига ўз тавсияларини киритиш;
- Жамият Кузатув кенгашининг бошқа алоқадор қўмиталари билан ҳамкорликда жамиятнинг ички назорат ва комплаенс-аудит функциясини ривожлантириш, ушбу соҳадаги фаолият натижаларини таҳлил қилишда кўмаклашиш;
- Жамият хавфсизлигини таъминлаш функциясини ривожлантиришда кўмаклашиш, ушбу соҳадаги фаолият натижаларини таҳлил килиш;
- Жамиятнинг ички назорат ва комплаенс-аудит тизимининг мувофиқлиги ва самарадорлигини таҳлил қилиш;
- Умумий, молиявий, ҳуқуқий ва этика масалаларига оид ҳисоботларни кўриб чиқиш ва жамиятнинг ушбу соҳалардаги фаолиятини баҳолаш;
- Жамият ва унинг таркибидаги корхоналарда фирибгарлик, пора олиш ва амалдаги қонунчиликни жиддий бузиш ҳолатларини кўриб чиқиш;
- Жамият ахлоқ кодекси талабларига риоя этилишини назорат қилиш;
- Жамиятнинг Коррупцияга қарши ички назорат ва маҳсус бўлим томонидан аникланган қоидабузарликларни бартараф этиш бўйича чора-тадбирларни кўриб чиқиш ва унинг бажарилишини назорат қилиш;
- жамият ва унинг таркибидаги корхоналарда коррупцияга қарши тизимнинг ишлашишига кўмаклашиш;
- амалдаги коррупцияга қарши қонун хужжатларига мувофиқ чора-тадбирлар режаларини ишлаб чиқиш ва дастлабки келишишда иштирок этиш;
- Жамият Кузатув кенгашининг топшириғига биноан жамиятдаги раҳбар лавозимларига номзодларни тайинлашда уларнинг ишончлилигини дастлабки текширишда иштирок этиш;
- Жамият фаолияти самарадорлигининг муҳим кўрсаткичларини (KPI)

келишишда қатнашиш

IV. Қўмитанинг хуқуқ ва мажбуриятлари

4.1 Қўмита аъзолари хуқуқлари:

- Жамият Кузатув кенгашининг қарорлари ва кўрсатмаларининг бажарилишини назорат қилиш ва текшириш;
- Жамият Бошқарув аъзолари ва таркибий бўлинмалари раҳбарларидан ўз фаолиятини амалга ошириш учун зарур бўлган маълумотларни сўраш ва олиш.
- Қўмита бюджети доирасида ташқи эксперталар ва маслаҳатчилар хизматидан фойдаланиш;
- Қўмита мажлисларига ушбу Низомга мувофиқ учинчи шахсларни таклиф қилиш;
- Жамият Кузатув кенгаши муҳокамасига ушбу Низомга ўзгартириш ва қўшимчалар киритиш бўйича таклифлар киритиш;
- Қўмита ваколатларини бажариши учун зарур бўлган бошқа хуқуқларни амалга ошириш.

4.2 Қўмита аъзолари мажбуриятлари:

- Қўмита ишида қатнашиш ва унинг мунтазам равишда ўтказиладиган барча йиғилишларида иштирок этиш;
- коррупцияга қарши қурашиш ва этика соҳасидаги ва Жамият тараққиёти учун стратегик аҳамиятга эга бўлган бошқа соҳалардаги ютуқларни кузатиб бориш;
- расмий вазифаларини бажариш чоғида уларга маълум бўладиган барча маълумотларнинг махфийлигига риоя қилиш;
- Жамият Кузатув кенгашига мустақил аъзо мақомидаги ҳар қандай ўзгаришлар тўғрисида ёки Қўмита томонидан қабул қилинадиган қарорлар билан боғлик манфаатлар тўқнашуви юзага келиши тўғрисида ахборот бериш.

V. Қўмита таркиби ва уни шакллантириш тартиби

5.1 Қўмитанинг миқдорий таркиби камида 3 та аъзодан иборат бўлиб, уларнинг камида биттаси, қоида тариқасида Кузатув кенгашининг мустақил аъзоси ҳисобланади.

5.2 Қўмитанинг шахсий таркиби жамият Кузатув кенгаши томонидан ўз таркибидан сайланади. Қўмита аъзоларини сайлашда уларнинг олган таълими, касбий тайёргарлиги, Қўмита фаолияти соҳасидаги тажрибаси ва Қўмита аъзолари ўз вазифаларини бажариши учун зарур бўлган бошқа маҳсус билимлари эътиборга олиниши лозим. Қўмита аъзоларини сайлаш тўғрисидаги қарор жамият Кузатув Кенгаши аъзоларининг умумий сонининг оддий кўпчилик овози билан қабул қилинади.

5.3 Қўмита аъзолари чекланмаган маротаба сайланиши мумкин.

5.4 Қўмита аъзоларининг ваколат муддатлари Кузатув кенгаши аъзолари сифатида ўз ваколатлари муддатларига тўғри келади. Қўмита аъзоларининг

ваколатлари Кузатув кенгаши янги таркибда сайланган кундан бошлаб тўхтатилади. Кўмитанинг ҳар қандай аъзосининг (барча аъзоларининг) ваколатлари Кузатув кенгаши қарори билан муддатидан олдин бекор қилиниши мумкин.

Кўмита таркибидаги ўзгаришлар Кузатув кенгаши томонидан исталган вақтда амалга оширилиши мумкин.

5.5 Кўмита аъзолари Кузатув Кенгаши раиси номига ариза ва бир вақтнинг ўзида Кўмита раисига билдиришнома юбориш орқали истеъфога чиқишлиари мумкин.

5.6 Кўмита аъзосининг ваколатлари ўз хоҳишига кўра истеъфога чиққан бўлса, Жамият Кузатув кенгаши кейинги йиғилишида, лекин Кўмита аъзосини ўз ваколатларидан истеъфога чиқиши тўғрисида ариза берган санадан 1 (бир) ойдан кечиктирмай, Кўмитанинг янги аъзоси сайланади, бунга қадар Кўмита аъзоси ўз вазифаларини тўлиқ бажаришда давом этади.

5.7 Кўмита аъзосининг ваколатлари Кузатув кенгаши томонидан бекор қилинса, ваколатлар бекор қилинганидан сўнг 2 (икки) хафта ичида Кўмитанинг янги аъзоси сайланади.

5.8 Кўмитанинг янги яъзоси сайланганидан сўнг, Кўмита раиси 1 (хафта) ичида Кўмитасининг янги аъзоси билан учрашади ва уни Кўмита ваколатлари ва ишлари билан таништиради.

5.9 Кўмита раиси Жамият Кузатув Кенгаши томонидан тайинланади ва Кўмита ишини ташкил этади.

5.10 Кўмита раиси:

- Кўмита фаолиятини ташкиллаштиради;
- Кўмита йиғилишларини чақиради ва уларга раислик қиласди;
- Кўмита аъзолари ўртасида бурчларни тақсимлайди;
- Кузатув кенгаши мажлислари режасини ҳисобга олган ҳолда жорий давр учун иш режасини ишлаб чиқади;
- Кўмита мажлисларини чақиради, уларга раислик қиласди ва йиғилиш баённомасини юритиши ташкил этади;
- Кўмита фаолияти тўғрисида Кузатув кенгаши олдида ҳисобот беради;
- Жамиятнинг ички ҳужжатлари ва ушбу Низомда назарда тутилган бошқа ҳаракатларни амалга оширади.

5.11 Кўмита раиси Кўмита тавсияларини ўз вақтида Кузатув кенгаши аъзолари эътиборига етказиш, шунингдек, берилган тавсиялар бажарилиши устидан мониторингини олиб боришга жавобгардир.

5.12 Кўмита раиси вақтинча йўқ бўлганда унинг вазифалари Кўмита аъзоларидан бири томонидан амалга оширилади.

5.13 Кўмита ишини ташкил этиш учун Жамият Кузатув кенгаши жамиятнинг коррупцияга қарши қурашиб ёки комплеанс бўлими ходимлари орасидан ёки Кўмита аъзолари орасидан Кўмита котибини тайинлайди.

5.14 Агар Жамият Кузатув кенгаши Кўмита котибини тайинлаш тўғрисида қарор қабул қилмаган бўлса ёки илгари тайинланган котиб бирон сабабга кўра ўз вазифаларини бажара олмаса, Кўмита раиси жамиятнинг ходимлари орасидан ёки Кўмита бошқа аъзолари орасидан котибни тайинлайди.

5.15 Қўмита котиби:

- Қўмитанинг йиғилиши баённомаларини юритади ва тузади;

- Қўмита йиғилишларига тайёргарликни (йиғилиш учун материалларни йигади ва тизимлаштиради, Қўмита аъзолари ва таклиф этилган шахсларга Қўмита йиғилишини ўтказиш тўғрисида хабарномани ўз вақтида юборади, йиғилиш кун тартибини, кун тартибига киритилган масалалар бўйича маълумотларни тайёрлайди, Қўмита қарорлари лойиҳаларини тайёрлайди, шунингдек барча тегишли материаллар сақланишини таъминлайди) амалга оширади;

- Қўмита фаолиятини ташкилий ва ахборот билан қўллаб-қувватлашни, Қўмита аъзоларининг Кузатув кенгashi ва Жамият мансабдор шахслари билан ўзаро ҳамкорлиги ва тезкор ишлашини таъминлайди.

VI. Қўмита мажлисларини ўтказиш шартлари ва тартиби

6.1 Қўмита мажлислари Қўмита томонидан тасдиқланган режага мувофиқ, лекин Қўмита аъзоларининг ваколат муддати давомида камида 4 (тўрт) та йиғилиш ўтказилади. Қўшимча йиғилишлар керак бўлганда чақирилиши мумкин.

6.2 Қўмита мажлислари Қўмита аъзоларининг биргаликда иштирок этиши ёки сиртқи овоз бериш шаклида ўтказилади. Қўмита фақат Қўмита аъзоларининг биргаликдаги иштироки шаклида кўриб чиқилиши керак бўлган масалалар рўйхатини тасдиқлаши мумкин. Ушбу қарор Қўмитанинг барча амалдаги аъзолари томонидан бир овоздан қабул қилинади.

6.3 Қўмита йиғилишлари Қўмита раиси томонидан унинг ташаббуси билан, Қўмита аъзосининг талабига биноан ёки Жамият Кузатув кенгashi қарори билан чақирилади. Қўмита раиси билан келишилган ҳолда Қўмита котиби Жамият Бошқарув аъзолари илтимосига биноан Қўмита йиғилишини чақириши мумкин. Қўмитанинг навбатдан ташқари йиғилишини чақириш талаби бўлган тақдирда, Қўмита раиси 5 (беш) иш куни мобайнида Қўмитанинг навбатдан ташқари йиғилишини чақириши шарт.

Қўмита йиғилишида иштирок этувчи барча аъзолар томонидан имзоланган баённома билан расмийлаштирилади.

6.4 Қўмита йиғилишларига тайёргарлик Қўмита раиси назорати остида Қўмита котиби томонидан амалга оширилади. Қўмита котиби Қўмита аъзолари зарур маълумотларни олишларини таъминлайди ва Қўмитанинг барча аъзоларига йиғилиш вақти ва жойини, шунингдек кун тартибидаги ҳар бир масала учун барча зарур материалларни илова қилган ҳолда йиғилиш кунидан 5 (беш) иш кунидан кечиктирмасдан дастлабки хабарномани юборади. Хабарнома Қўмита аъзолари учун қулай бўлган ҳар қандай шаклда амалга оширилади: телефон, факс, одатий ёки электрон почта орқали.

6.5 Қўмита йиғилишининг кворуми унинг миқдорий таркибининг 2/3 қисмини ташкил этади.

6.6 Масалаларни ҳал қилишда Қўмитанинг ҳар бир аъзоси бир овозга эга. Қўмита аъзоси томонидан бошқа шахсларга, шу жумладан Қўмитанинг бошқа аъзоларига овоз бериш ҳукуқини берилишига йўл қўйилмайди.

Қўмитанинг қарорлари йиғилишда иштирок этувчи аъзоларининг оддий

кўпчилик овози билан қабул қилинади, ушбу Низомда назарда тутилган ҳоллар бундан мустасно.

6.7 Кўмита аъзоларининг овозлари тенг бўлган тақдирда, йиғилишда раислик қилувчи Кўмита аъзосининг овози ҳал қилувчи аҳамиятга эга.

6.8 Кўмита аъзоси йиғилишда иштирок эта олмаса, у муҳокама қилинаётган масала юзасидан ўз фикрини ёзма шаклда ёки жамиятда умумэътироф этилган электрон ҳужжат айланиш тизими орқали юбориш ҳуқуқига эга. Мазкур фикр Кўмита йиғилишида кўриб чиқилади ва йиғилиш баённомасига кўшиб кўйилади.

6.9 Кўмита томонидан кўриб чиқилаётган масалаларнинг ўзига хос хусусиятларини ҳисобга олган ҳолда, Кўмита аъзоси бўлмаган шахслар Кўмита мажлисларида фақат Кўмита қарори билан ёки унинг раиси таклифига биноан иштирок этади.

Кўмита йиғилишларида Кузатув кенгаши ва Жамият Бошқаруви аъзолари ва бошқа мансабдор шахслари (ходимлари) иштирок этиши мумкин. Зарурат бўлса, Кўмитанинг ишига учинчи томон мутахассислари ва маслаҳатчилари вақтинчалик ёки доимий равища жалб қилиниши мумкин.

Таклиф этилган шахслар Кўмита ваколати масалалари бўйича қарорлар қабул қилишда Кўмита йиғилишининг кун тартиби масалалари бўйича овоз бериш ҳуқуқига эга эмас.

VII. Жамият органлари ва бошқа шахслар билан ўзаро ҳамкорлик

7.1 Кўмита аъзолари ишини самарали ташкил қилиш учун зарур маълумотлардан фойдаланиш имкониятига эга бўлиши керак, бунинг учун, Жамият ижроия органлари аъзолари, Жамият Кузатув кенгаши котиби, Жамият таркибий бўлинмалари раҳбарлари, шунингдек Жамиятнинг бошқа ходимлари, Кўмита илтимосига кўра, тегишли вақт ичида ва тартибда Кўмита фаолияти бўйича тўлиқ ва ишончли маълумот ва ҳужжатларни тақдим этиши шарт.

Ахборот ва ҳужжатларни тақдим этиш тўғрисидаги сўров Кўмита раиси томонидан имзоланган ёзма шаклда амалга оширилади.

Сўралган маълумотлар ва ҳужжатлар Кўмита котиби орқали Кўмитага тақдим этилади.

7.2 Зарур ҳолларда Кўмита фаолияти субъектининг айрим масалаларини кўриб чиқиш учун Кўмита ишига зарур касбий билимга эга бўлган мутахассислар ва эксперtlар жалб этилиши мумкин. Кўмита ишига эксперт ва мутахассисларни жалб этиш тартиби ва шартлари Жамиятнинг бундай шахслар билан тузган шартномасида белгилаб қўйилади.

VIII. Кўмита бюджети.

8.1 Кўмита фаолиятини таъминлаш мақсадида тегишли давр учун Жамият умумий бюджетининг ҳаражатлар қисмини шакллантиришда маслаҳатчиларни жалб этиш ва уларнинг хизматларига ҳақ тўлаш бўйича потенциал заруратни ҳисобга олган ҳолда Кўмита ҳаражатларининг алоҳида моддаси тақдим этилиши мумкин, унинг миқдори Жамият Кузатув кенгаши томонидан тасдиқланади.

8.2 Бундай зарурат туғилган тақдирда, Қўмитанинг кейинги йил учун бюджети микдори бўйича таклифлар Жамиятнинг умумий бюджетини шакллантириш чора-тадбирлари доирасида ўтган йилнинг 4-чорагида Кузатув кенгашига кўриб чиқиши учун киритилади.

8.3 Маслаҳатчиларни ишга жалб этиш ва уларнинг хизматларига ҳақ тўлаш Қўмита бюджетида назарда тутилмаган қўшимча маблағлар ҳисобидан Жамият бошқарув раиси томонидан Кузатув кенгашининг алоҳида қарори билан ташкил этилади. Мазкур масалани Кузатув кенгаши кўриб чиқишига киритиш Қўмита раиси ташаббуси билан амалга оширилади.

8.4 Кузатув кенгашининг қарори билан тегишли йил охирида Қўмита раиси Кузатув кенгашига кўрсатилаётган хизматларнинг батафсили тавсифи ҳамда хуносалар ва тавсиялар иловаси билан маслаҳатчиларни жалб қилиш учун маблағларнинг сарфланиши тўғрисидаги маслаҳатчилар томонидан таёrlанган ҳисботни тақдим этади.

8.5 Акциядорларнинг умумий йиғилишининг қарори билан ҳамда амалдаги меъёрий ҳужжатларга мувофиқ Жамият Кузатув кенгаши аъзоларига, Раисга, Қўмита аъзоларига ва Қўмита котибига ҳақ ва компенсация тўлаш тартибга солувчи амалдаги меъёрий ҳужжатга мувофиқ улар ўз вазифаларини бажарган даврда, Қўмита аъзоларининг функцияларини бажарганликлари учун ҳақ тўланади.

IX. Жамият бошқарув органлари ва бошқа таркибий бўлинмалар билан алоқадорлиги

9.1 Қўмита аъзоларининг самарали фаолиятини таъминлаш учун зарур бўлган маълумотлар ва ҳужжатлар Қўмита котиби орқали тақдим этилади. Ахборот ва ҳужжатларни тақдим этиш талаби ёзма шаклда Қўмита раиси томонидан имзоланади.

9.2 Зарур ҳолларда Қўмита ишига Қўмита ваколатига кирувчи айрим масалаларни кўриб чиқиши учун зарур касбий билимга эга бўлган эксперталар ва мутахассислар жалб этилиши мумкин. Қўмита ишига эксперталар ва мутахассисларни жалб қилиш тартиби ва шартлари Жамият томонидан бундай шахслар билан тузилган шартномада белгиланади.

X. Маълумотларнинг маҳфийлиги

10.1 Қўмита аъзолари ва котиби Қўмита фаолияти давомида уларга маълум бўлган инсайдер ва бошқа маҳфий маълумотларни ошкор қилишга ҳақли эмас ва уларни ошкор этилиши бўйича шахсан жавобгар бўлади. Жамият инсайдери ёки жамият олдида маҳфийлик мажбуриятлари билан боғлиқ бўлмаган Қўмита йиғилишларида иштирок этадиган учинчи шахслар олдиндан Жамият билан инсайдерлик ва бошқа маҳфий маълумотларни ошкор қиласлик тўғрисидаги битимни имзолашлари шарт.

XI. Қўмита аъзоларининг жавобгарлиги

11.1 Қўмита аъзолари Ўзбекистон Республикасининг амалдаги қонунчилигига Кузатув кенгаши аъзоларининг жавобгарлигини тартибга солувчи нормаларга мувофиқ жавобгар бўладилар.

XII. Якуний қоидалар

12.1 Ушбу Низом жамият Кузатув кенгаши томонидан тасдиқланган кундан бошлаб кучга киради.

12.2 Ушбу Низом, шунингдек унга киритилган барча қўшимча ва ўзгаришлар Жамият Кузатув кенгаши аъзолари умумий сонининг кўпчилик овози билан Жамият Кузатув Кенгаши томонидан тасдиқланади.

12.3 Агар ушбу Низомдаги қоидаларидан бири ўз кучини йўқотган бўлса, бу Низомдаги бошқа қоидаларни тўхтатишга сабаб бўлмайди.

12.4 Ушбу Низомда тартибга солинмаган барча масалалар Жамият Устави, Жамият Кузатув Кенгаши тўғрисида”ги Низом ва Жамиятнинг бошқа ички қоидалари ва амалдаги қонунчилик билан тартибга солинади.

12.5 Агар Ўзбекистон Республикасининг амалдаги қонун ҳужжатлари ёки Жамият устави билан ушбу Низомда назарда тутилганидан бошқача қоидалар белгиланган бўлса, Ўзбекистон Республикасининг амалдаги қонун ҳужжатлари ва Жамият устави қоидалари қўлланилади.